



Les Anuncies

de l'Academia de la Llingua Asturiana

N^u 139 - xineru 2016

D.L.L.: AS 3.299-99

c/ L'Águila, 10 - Apartáu 574 - Uviéu - Teléfonu 985 21 18 37 - Fax 985 29 22 16
E-mail: alla@asturnet.es - web: academiadelalingua.com

Prueba de conocencia de la Llingua Asturiana (xineru) Convocatoria de xineru*

L'Academia de la Llingua Asturiana, sabiendo'l fondu interés de munches persones de llograr que se reconozca la so conocencia de la llingua y manifestar asina'l so fondu amor al idioma asturianu, fadrá dos convocatories añales onde van poder evaluase diches conocencies. Nesi sen, da anuncia de les sos iniciatives pa conocimientu xeneral:

1. Nos meses de xineru y mayu celébrense les pruebes, abiertas a toles persones interesaes.
2. Unos quince díes enantes de les pruebes va abrise un plazu de matrícula.
3. A les persones declaraes aptes nes pruebes citaes, l'Academia dará-yos un documentu onde s'afite la conocencia nel nivel 1 o básicu según calces siguíos por esta Institución.
4. Les persones que nun superen les pruebes del nivel 1 podrán presentase a nueves convocatories toles vegaes que-yos pruya.
5. Pal bon resultáu d'estes pruebes habrá tenese un dominiu básicu de les estayes que vienen darréu:
 - a. ESTAYA LLINGÜÍSTICA
 - a.1. Teoría gramatical: conocencia y dominiu del funcionamientu gramatical del asturianu y de la normativa académica.
 - a.2. Práctica escrita: emplegu amañosu de la llingua, puestu en práctica gracies a exercicios gramaticales y de composición escrita.
 - a.3. Práctica oral: emplegu faláu de la llingua, nuna situación real o imaxinaria, que se va valorar nuna conversación colos miembros del xuráu calificador.
 - b. ESTAYA DE LLINGUA Y SOCIEDÁ
Conocencia del allugamientu de la llingua dientro de la sociedá asturiana asina como del procesu de normalización en que ta inxerta.
6. La prueba va tener dos partes, una escrita (dictáu, torna, exercicios gramaticales, redaición) y otra falada (conversación).

Nota. Resulta imprescindible conocer les xeneralidaes gramaticales de la llingua asturiana y los aspectos básicos de la so normativa ortográfica (*Normes ortográfiques*, ALLA, Uviéu, 2012, 7^a ed.; *Gramática de la Llingua Asturiana*, ALLA, Uviéu, 2008, 3^a ed. reimpresión).

Asina mesmo, aconséyase la llectura de testos fechos acordies cola normativa, como los asoleyaos por esta Academia.

***En resultes d'esto, el 30 de xineru de 2016 va facese la prueba semestral. El plazu de matrícula ye del 18 al 28 de xineru.**